



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

Broj: 01-011-1211/02.

Sarajevo, 09. decembra 2002.

Z A P I S N I K

sa Konstitutivne sjednice Predstavničkog doma Parlamentarne skupštine
Bosne i Hercegovine

Konstitutivna sjednica Predstavničkog doma održana je u dva dijela – 3. i 9 decembra 2002. godine. Sjednicom je predsjedavao Muhamed Altić, najstariji poslanik novog saziva.

Prvom dijelu sjednice 3. decembra prisustvovao je 41 poslanik. Odsustvo je, zbog spriječenosti, opravdao Ibrahim Đedović.

Kao gosti sjednici su prisustvovali: Mirko Šarović, predsjedavajući Predsjedništva BiH, Dragan Čović i Sulejman Tihć, članovi Predsjedništva BiH; Dragan Mikerević, predsjedavajući Vijeća ministara, Svetozar Mihajlović, Krešimir Zubak, Ante Domazet, ministri u Vijeću ministara; zamjenici ministara Jusuf Halilagić, Vladislav Vladičić, Jadranko Prlić, Milan Lovrić, Muharem Imamović, Milovan Blagojević i Gordana Ković.

Sjednici su prisustvovali predstavnici OHR-a, OSCE-a, Promatračke misije, i drugih međunarodnih organizacija i ambasada koje redovno prate rad Doma. Također je prisustvovao ombudsmen za ljudska prava u BiH Frank Orton.

Na početku sjednice Domu se obratio predsjedavajući Predstavničkog doma dosadašnjeg saziva, Mariofil Ljubić. On je pozdravio novoizabrane poslanike i goste, te novim poslanicima čestitao na izboru i poželio im uspješan rad. Potom se Mariofil Ljubić zahvalio poslanicima saziva 2000-2002, rekavši, pored ostalog, da su radili kvalitetno i da su unijeli novi, pozitivan duh u rad Parlamentarne skupštine Bosne i Hercegovine. Također se dosadašnji predsjedavajući zahvalio Službi parlamentarne skupštine, kao i novinarima koji su pratili njen rad.

Poslije izlaganja dosadašnjeg predsjedavajućeg Doma, privremeni predsjedavajući Muhamed Altić otvorio je Prvu – konstitutivnu sjednicu Predstavničkog doma. Podsjetio je poslanike na odredbe Ustava i Poslovnika koje propisuju sastav Predstavničkog doma, a potom je pročitao listu novoizabranih poslanika, sačinjenu prema Odluci Izborne komisije Bosne i Hercegovine o verifikaciji poslaničkih mandata koje su političke stranke dobile na izborima održanim 5. oktobra 2002. godine, kako slijedi:

IZ FEDERACIJE BiH

Stranka demokratske akcije:

1. HAZIM FELIĆ
2. FATIMA LEHO
3. HASAN MURATOVIĆ
4. ABDULAH NAKAŠ
5. ŠEFIK DŽAFEROVIĆ
6. MIRSAĐ ĆEMAN
7. NADŽIDA MLAĆO
8. SEADA PALAVRIĆ
9. IZET HADŽIĆ

Koalicija HDZ – demohrišćani:

10. FILIP ANDRIĆ
11. BARIŠA ČOLAK
12. MARTIN RAGUŽ
13. VINKO ZORIĆ
14. NIKO LOZANČIĆ

Stranka za Bosnu i Hercegovinu

15. NIJAZ DURAKOVIĆ
16. BERIZ BELKIĆ
17. AZRA HADŽIAHMETOVIĆ
18. ADEM HUSKIĆ
19. IZET ŽIGIĆ

Socijaldemokratska partija BiH:

20. ZLATKO LAGUMDŽIJA
21. JOZO KRIŽANOVIĆ
22. SEAD AVDIĆ
23. SELIM BEŠLAGIĆ

Stranka penzionera-umirovljenika BiH

24. MUHAMED ALTIĆ

Demokratska narodna zajednica BiH

25. IBRAHIM ĐEDOVIĆ

Ekonomski blok HDU – za boljitak

26. MLADEN POTOČNIK

Nova hrvatska inicijativa:

27. IVO LOZANČIĆ

Bosanska stranka:

28. MUHAMED MORANJKIĆ

IZ REPUBLIKE SRPSKE:

Srpska demokratska stranka:

1. MOMČILO NOVAKOVIĆ
2. BORISLAV PARAVAC
3. NENAD MIŠIĆ
4. MILOŠ JOVANOVIĆ
5. LJILJANA MILIĆEVIĆ

Stranka nezavisnih socijaldemokrata:

6. NIKOLA ŠPIRIĆ,
7. NIKOLA KRAGULJ,
8. MILORAD ŽIVKOVIĆ

Partija demokratskog progresa:

9. PETAR KUNIĆ,
10. JELINA ĐURKOVIĆ

Socijalistička partija RS:

11. TIHOMIR GLIGORIĆ

Srpska radikalna stranka RS:

12. MIRKO BLAGOJEVIĆ

Stranka za Bosnu i Hercegovinu:

13. MUNIB JUSUFOVIĆ

Stranka demokratske akcije:

14. ELMIR JAHIĆ.

Poslije čitanja liste izabranih poslanika privremeni predsjedavajući upoznao je poslanike da je u pripremi Konstitutivne sjednice održan sastanak Kolegija dosadašnjeg saziva sa predstavnicima političkih stranaka koje su dobile poslanike u Predstavničkom domu, te da je na tome sastanku usaglašen dnevni red koji su poslanici u pozivu za sjednicu dobili. Prema tome, Konstitutivna sjednica imala je sljedeći

D N E V N I R E D:

1. Davanje svečane izjave izabranih poslanika,
2. Izbor predsjedavajućeg Predstavničkog doma, prvog zamjenika predsjedavajućeg i drugog zamjenika predsjedavajućeg Predstavničkog doma Parlamentarne skupštine Bosne i Hercegovine.

S obzirom da je dnevni red usaglašen nije se o istom glasalo na sjednici, pa se odmah prešlo na rad po prvoj tački dnevnog reda.

Ad – 1: Davanje svečane izjave izabranih poslanika

Svečanu izjavu zajedno su dali prisutni poslanici – njih 41, i tako preuzeli poslaničku dužnost.

Poslije davanja svečane izjave za riječ se javila poslanik Ljiljana Milićević. Ona je obavijestila Dom da srpski poslanici iz Republike Srpske neće prisustvovati daljem toku Konstitutivne sjednice u znak protesta zbog nametanja Zakona o Vijeću ministara od strane Visokog predstavnika za Bosnu i Hercegovinu. Porčitala je zajednički protest srpskih poslanika iz Republike Srpske koji su potpisali: Tihomir Gligorić, Jelina Đurković, Milorad Živković, Miloš Jovanović, Nikola Kragulj, Petar Kunić, Ljiljana Milićević, Nenad Mišić, Momčilo Novaković, Borislav Paravac i Nikola Špirić.

Privremeni predsjedavajući je dao pauzu od 15 minuta. Međutim, pauza je potrajala mnogo duže.

Poslije pauze privremeni predsjedavajući je obavijestio da je u sali prisutno 28 poslanika – iz Federacije BiH 26 i iz Republike Srpske 2 poslanika. Konstatovao je da sjednica nema kvorum za odlučivanje jer je neophodno da sjednici prisustvuje najmanje jedna tečina iz svakog entiteta. Naglasio je da je, u skladu s članom 65. Poslovnika, u pauzi od 60 minuta izvršen pokušaj da se dođe do rješenja, ali da nije bilo uspjeha. Zatao je predsjedavajući konstatovao da se Konstitutivna sjednica prekida, a da će nastavak biti zakazan naknadno.

Sjednica je prekinuta u 12,50 sati.

Drugi dio Konstitutivne sjednice održan je 9. decembra 2002. godine. Prisustvovala su 42 poslanika.

Na početku nastavka sjednice Pred Domom svečanu izjavu je dao poslanik Ibrahim Đedović, budući da je odsustvovao na prvom dijelu sjednice.

Dom je rad nastavio na drugoj tački dnevnog reda.

Ad – 2: Izbor predsjedavajućeg Predstavničkog doma, prvog zamjenika predsjedavajućeg i drugog zamjenika predsjedavajućeg Predstavničkog doma Parlamentarne skupštine Bosne i Hercegovine.

Privremeni predsjedavajući Muhamed Altić podsjetio je na odredbe Poslovnika Doma koje se odnose na izbor rukovodstva. Potom je otvorio raspravu o 2. tački i pozvao poslanike da iznesu prijedloge kandida za predsjedavajućeg, prvog zamjenika predsjedavajućeg i drugog zamjenika predsjedavajućeg Predstavničkog doma.

Prije iznošenja prijedloga poslanik Nikola Špirić u svojoj diskusiji obavijestio je Dom da su srpski poslanici iz Republike Srpske napustili prvi dio sjednice u znak protesta zbog nametanja zakonskih projekata od strane Visokog predstavnika, rekavši da je to osnovna uloga Parlamenta. Rekao je, pored ostalog, da im je bio cilj da zaštite dignitet Parlamenta i poslanika, a ne opstrukcija rada institucija Bosne i Hercegovine.

Potom je poslanik Špirić skrenuo pažnju na pravno tumačenje poslovničke odredbe u vezi s kvorumom, pa je rekao da se, po tumačenju OHR-a, suzdržani ne računaju u kvorum. Zatražio je da se Pravno mišljenje OHR-a podijeli poslanicima kako bi se upoznali s tom odredbom.

Sekretar Doma Branka Todorović obavijestila je Dom da je odredba člana 64. Poslovnika decidna i da je ona na snazi. Pročitala je i dio tumačenja OHR-a, u kojem stoji «da se suzdržani glasovi ne broje ni u kojoj fazi prilikom odlučivanja broja članova koji su prisutni i koji glasaju, ali svi prisutni članovi se prebrojavaju s ciljem da se utvrdi postojanje kvoruma».

Poslije razjašnjenja ovog spornog pitanja izneseni su prijedlozi kandidata za rukovodstvo Doma, kako slijedi:

Seada Palavrić, u ime Kluba SDA, za funkciju predsjedavajućeg predložila je Šefika Džaferovića;

Momčilo Novaković, u ime Kluba SDS-a za funkciju prvog zamjenika predsjedavajućeg predložio je Borislava Paravca;

Niko Lozančić ispred Kluba poslanika Koalicije HDZ-a – demohrišćani za funkciju drugog zamjenika predsjedavajućeg predložio je Barišu Čolaka.

Kako više nije bilo prijedloga privremeni predsjedavajući pročitao je listu predloženih kandidataj i pozvao poslanike da se izjasne.

Poslanik Nikola Kragulj, u ime poslanika SNSD-a predložio je da se glasanje izvrši prozivkom kako bi se izbjegla bilo kakva sumnja u regularnost glasanja.

Sekretar Doma Branka Todorović skrenula je pažnju da po članu 69. Poslovnika prvo treba izvršiti glasanje dizanjem kartona, a ako se tada posumnja u regularnost može se zahtijevati glasanje prozivkom.

Potom je izvršeno glasanje o predloženim kandidatima, u skladu s tačkom 3. člana 4. Poslovnika Predstavničkog doma.

U momentu glasanja u prvom krugu bilo je prisutno 39 poslanika. Rezultati glasanja bili su sljedeći:

- ZA Šefikak Džaferovića, kandidata za predsjedavajućeg Doma, glasala su 23 poslanika, 14 je glasalo PROTIV, SUZDRŽALA se dva;

- ZA Borislava Paravca, kandidata za prvog zamjenika predsjedavajućeg, glasala su 23, PROTIV je glasalo 14, SUZDRŽALA se dva poslanika;

- ZA Barišu Čolaka, kandidata za drugog zamjenika predsjedavajućeg glasala su 23, PROTIV je glasalo 12, SUZDRŽALA se dva poslanika (dva poslanika nisu glasala).

Zatim je izvršeno glasanje u drugom krugu, obrnutim redoslijedom. Rezultati su sljedeći:

- ZA kandidata za drugog zamjenika predsjedavajućeg, Barišu Čolaka, iz Federacije BiH glasalo je 15, a iz Republike Srpske 8 poslanika;

- ZA kandidata za prvog zamjenika predsjedavajućeg, Borislava Paravca, iz Federacije BiH glasalo je 15, iz Republike Srpske 8 i

- ZA kandidata za predsjedavajućeg, Šefika Džaferovića, iz Federacije BiH glasalo je 15, iz Republike Srpske 8 poslanika.

Privremeni predsjedavajući Muhamed Altić konstatovao je da su predloženi kandidati izabrani za rukovodstvo Doma, i to:

- ŠEFIK DŽAFEROVIĆ - za predsjedavajućeg,
- BORISLAV PARAVAC - za prvog zamjenika predsjedavajućeg i
- BARIŠA ČOLAK, za drugog zamjenika predsjedavajućeg Predstanvičkog doma.

Privremeni predsjedavajući čestitao je novoizabranom rukovodstvu na izboru. Zatim je dao kratku pauzu i pozvao rukovodstvo Doma da preuzme vođenje sjednice.

Poslije pauze predsjedavajući Doma Šefik Džaferović prvo se zahvalio Muhamedu Altiću na uspješnom predsjedavanju prvom dijelu Konstitutivne sjednice, a zatim se u ime svojih zamjenika i u lično ime zahvalio poslanicima na ukazanom povjerenju da vode Predstavnički dom u naredne četiri godine. Istakao je, pored ostalog, da su naredne četiri godine reformske za Bosnu i Hercegovinu i da Bosna i Hercegovina ide putem reformi, na kojem će i ovaj dom imati značajnu ulogu. Pozvao je poslanike da daju svoj puni doprinos Bosni i Hercegovini na njenom reformskom putu. Također je naglasio da očekuje da će ovaj visoki dom ispuniti sve ustavne obaveze koje pred njim stoje, a koje se odnose na zakonodavnu, kontrolnu i informativnu aktivnost, kao i obaveze koje se odnose na unutrašnju regulaciju ovog doma.

Poslije prigodnog obraćanja Domu predsjedavajući Džaferović podsjetio je poslanike na odredbe Poslovnika koje se odnose na formiranje poslaničkih klubova i stalnih komisija Doma, te ih pozvao da se maksimalno angažuju kako bi se završio i ovaj dio obaveza i Dom stavio u punu funkciju. Zatim je predsjedavajući, u dogovoru sa svojim zamjenicima, dao pauzu i pozvao predstavnike političkih partija zastupljenih u Domu na sjednicu Kolegija u proširenom sastvu kako bi se dogovorili o aktivnostima radi hitnog usvajanja Budžeta institucija Bosne i Hercegovine za 2003. godinu. Pozvao je sve poslanike da se u 13 sati nađu u sali.

Na intervenciju poslanika Nikole Špirića, da je dnevni red Konstitutivne sjednice iscrpljen, predsjedavajući je Konstitutivnu sjednicu završio i pozvao poslanike da se u 13 sati okupe u sali kako bi se dogovorili o zasjedanju radi usvajanja Budžeta.

Ovim je završen rad Prve - konstitutivne sjednice Predstavničkog doma.

Sastavni dio Zapisnika je transkript Konstitutivne sjednice.

SEKRETAR
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
Šefik Džaferović